

## **2011 Rhif 706 (Cy.109)**

### **ADDYSG, CYMRU**

#### **Rheoliadau Addysg (Peidio â Chodi Tâl sy'n Ymwneud â Theithiau Preswyl) (Cymru) (Diwygio) 2011**

##### **NODYN ESBONIADOL**

*(Nid yw'r nodyn hwn yn rhan o'r Rheoliadau)*

Mae'r Rheoliadau hyn yn diwygio Rheoliadau Addysg (Peidio â Chodi Tâl sy'n Ymwneud â Theithiau Preswyl) (Cymru) 2003 er mwyn ychwanegu budd-dal neu lwfans ychwanegol sy'n rhoi'r hawl i blentyn hawlydd gael prydau bwyd a llety am ddim ar daith breswyl.

Mae Credyd Pensiwn y Wladwriaeth wedi ei ragnodi at ddibenion adran 457 o Ddeddf Addysg 1996 cyhyd â bod yr hawlydd yn derbyn y rhan credyd gwarant o Gredyd Pensiwn y Wladwriaeth.

Mae'r Rheoliadau hyn hefyd yn rhagnodi, at ddibenion adran 457(4)(b)(iii) o Ddeddf Addysg 1996, pan fo gan riant C hawl i Gredyd Treth i Blant ond nid i Gredyd Treth i Bobl sy'n Gweithio ac mae'n cael Credyd Treth i Blant yn seiliedig ar incwm blynyddol nad yw'n uwch na £16,190, bydd hawl gan C i gael ciniawau ysgol am ddim.

## 2011 Rhif 706 (Cy.109)

### ADDYSG, CYMRU

#### Rheoliadau Addysg (Peidio â Chodi Tâl sy'n Ymwneud â Theithiau Preswyl) (Cymru) (Diwygio) 2011

*Gwnaed* 9 Mawrth 2011

*Gosodwyd gerbron Cynulliad Cenedlaethol  
Cymru* 10 Mawrth 2011

*Yn dod i rym* 6 Ebrill 2011

Mae Gweinidogion Cymru, drwy arfer y pwerau a roddwyd i'r Ysgrifennydd Gwladol gan adrannau 457(4)(b)(iii) a 569 o Ddeddf Addysg 1996(1) ac a freiniwyd bellach ynddynt hwy yn gwneud y Rheoliadau a ganlyn(2):

#### Enwi, cychwyn a chymhwyso

1.—(1) Enw'r Rheoliadau hyn yw Rheoliadau Addysg (Peidio â Chodi Tâl sy'n Ymwneud â Theithiau Preswyl) (Cymru) (Diwygio) 2011 a deuant i rym ar 6 Ebrill 2011.

(2) Mae'r Rheoliadau hyn yn gymwys o ran Cymru.

#### Dehongli

##### 2. Yn y Rheoliadau hyn—

mae i "Credyd Treth i Blant" a "Credyd Treth i Bobl sy'n Gweithio" yr ystyr a roddir i "*Child Tax Credit*" a "*Working Tax Credit*" yn Neddf Credydau Treth 2002(3);

- 
- (1) 1996 p.56. Disodlwyd adran 457(4)(b) gan adran 200 o Ddeddf Addysg 2002 (p.32).
- (2) Trosglwyddwyd swyddogaethau'r Ysgrifennydd Gwladol o dan yr adrannau hynny i Weinidogion Cymru gan Orchymyn Cynulliad Cenedlaethol Cymru (Trosglwyddo Swyddogaethau) 1999 (O.S. 1999/672) ac adran 211(1) a (2) o Ddeddf Addysg 2002 a'u trosglwyddo wedyn i Weinidogion Cymru gan baragraff 30 o Atodlen 11 i Ddeddf Llywodraeth Cymru 2006 (p.32).
- (3) 2002 p.16.

ystyr “incwm blynyddol” (“*annual income*”) yw’r incwm am y flwyddyn dreth wedi ei gyfrifo yn unol â Rheoliadau Credydau Treth (Diffinio a Chyfrifo Incwm) 2002(1); ac

ystyr “Rheoliadau 2003” (“*the 2003 Regulations*”) yw Rheoliadau Addysg (Peidio â chodi Tâl sy’n Ymwneud â Theithiau Preswyl) (Cymru) 2003(2).

## Diwygio

3.—(1) Yn lle rheoliad 4 o Reoliadau 2003 rhodder—

### “Credydau Treth Rhagnodedig

4. Rhagnodir Credyd Treth i Blant at ddibenion adran 457(4)(b)(iii) o Deddf 1996—

- (a) pan fo gan riant C hawl i Credyd Treth i Blant ond nid i Credyd Treth i Bobl sy’n Gweithio; a
- (b) pan fo rhiant C yn cael Treth Credyd i Blant yn rhinwedd dyfarniad sydd wedi ei seilio ar incwm blynyddol nad yw’n uwch na’r swm o £16,190.”.

(2) Ar ôl rheoliad 4 o Reoliadau 2003 mewnosoder—

### “Credyd Pensiwn y Wladwriaeth

5. Mae Credyd Pensiwn y Wladwriaeth sy’n daladwy o dan adran 1 o Ddeddf Credyd Pensiwn y Wladwriaeth 2002(3) wedi ei ragnodi at ddibenion adran 457(4)(b)(iii) o Ddeddf 1996 mewn amgylchiadau pan yw’r rhiant yn derbyn y credyd gwarant.”.

*Leighton Andrews*

Y Gweinidog dros Blant, Addysg a Dysgu Gydol Oes,  
un o Weinidogion Cymru

9 Mawrth 2011

---

(1) O.S. 2002/2006, fel y’i diwygiwyd gan O.S. 2003/732, 2003/2815, 2004/2663, 2006/745, 2006/766, 2007/824, 2007/1305 a 2008/2169.  
(2) O.S. 2003/860 (Cy.107).  
(3) 2002 p.16.